

Til politikarane i Lindås kommune

Natås barnehage Sa er ein foreldreeigd barnehage som leiger lokale i Natås grendehus.

Natås barnehage har i dag ei godkjenning etter Lov om barnehage § 10 på 36 plassar. Vi har ein avdeling tilrettelagt for småbarn og ein avdeling for 3 – 6 år. Barnehagen nyttar i dag 36 plassane og har 6 barn på venteliste med oss som første prioritet, dei utgjer 8 plassar.

Natås barnehage har ei godkjenning etter Forskrift om Miljøretta Helsevern på 45 plassar frå 2007. Vi har då ikkje godkjenning på heile bygget, men det er det mulighet for om det er behov for det.

Barnehagen har frå 2013 til våren 2016 hatt dispensasjon frå Lindås kommune til å fylla opp desse ekstra plassane ved behov i kommunen, etter hovudopptaket i mars.

Natås barnehage ønskjer å få ei permanent godkjenning etter Lov om barnehage § 10 på heile arealet vårt av følgande grunnar:

- Barnehagen ønskjer å imøtekomma foreldra sine ønskjer om å få plass i nærmiljø-barnehagen deira. Mange av barna kretsar til Myking skule og ønskjer å nytta barnehagen i nærmiljøet.
- Natås barnehagen meiner vi kan tilby eit betre pedagogisk tilbod til barna når ein kan skapa ein stabilitet i personal- og barnegruppa og unngå midlertidige stillingar som kan skapa uforutsigbarheit for barn, foreldre og personalet.
- Natås barnehage ønskjer å skapa eit større fagleg miljø ved å vere fleire tilsette og dermed fleire pedagogar. Dette er ikkje økonomisk muleg pr. i dag, men dette vil gje betre kvalitet i barnehagetilbodet.
- Det er økonomisk meir bærande å drive ein barnehage som har fleire plassar, der dei faste utgiftene vert delt på fleire. Det vil føre til at vi kan drive meir effektivt, men likevel oppretthalde kvalitet.

Vi ønskjer at kommunen og politikarane tek denne søknaden med når dei vurderer barnehagetilbodet i nordre del av kommunen. Vi har difor søkt kommunen om denne utvidinga i eigen søknad. Barnehagen vår er godt etablert og vi ønskjer gjerne å tilby fleire barn omsorg, leik, læring og danning her hjå oss.

Mvh Kristin Bredholt, styrar og Trine T. Hovden, styreleiar i Natås barnehagen SA